

Festival di Caha di Orgel y Wiri a resulta un exito



ORANJESTAD (AAN) Den un Hoffie Seroe Janchi completamente yen a tuma lugar e tan spera festival di caha di Orgel y wiri.

E publico y tocadornan a keda contento cu e festival di caha unda e mihor tocador di wiri a ser eligi.

Basilio Geerman a resulta e ganador, sigui pa Chomie Boekhoudt y na di tres lugar Antonio Gomez.

Ganador di e contest di baila a resulta e pareha Virgilio Rafael y Anna Rafael. Segundo lugar a bay pa Chomie Boekhoudt y Señora. Di tres lugar a keda pa Pablo y Imelda Paesch.

Por mira atras un tremendo festival unda cu no menos cu 11 caha a duna zonido bon y di

calidad.

Mirando cu e doñonan di caha ta yegando mas cerca di otro, DIARIO ta kere cu lo yega tempo pa Chua Faro organisa un festival di mihor tocador di caha. Den e caso aki e tocadornan ta toca tres diferente pieza y no ta importa e caha, sea cu su mes caha of tur ta toca riba un solo caha.

Un palabra di pabien na e organisador Chua Faro y na e doñonan di caha cu a haci e festival un exito completo.

Chua Faro kier a gradici Radio Carina y Frans Solognier y tur persona cu a coopera pa haci e festival un exito y un palabra di extra danki na e huradonan kendenan tabata tin un trabao di mas ingrato.

